

Dulu Dr M benci Anwar bercakap kepada media asing, kata Annuar Musa
The Malaysian Insider
Jun 19, 2015
Oleh Kc Nazari

Ahli Majlis Tertinggi Umno Tan Sri Annuar Musa berkata Tun Dr Mahathir Mohamad kini mengadu kepada media asing tentang Malaysia, satu perkara yang beliau sendiri benci apabila ia dilakukan bekas timbalannya Datuk Seri Anwar Ibrahim.

Menurut Annuar, bekas perdana menteri itu sekarang menggunakan taktik sama terhadap Perdana Menteri, Datuk Seri Najib Razak.

"Ia sesuatu yang Tun (Mahathir) sendiri sangat tak suka dahulu.

"Waktu saya dalam Kabinet Tun, Tun selalu menyebut betapa dia tidak gembira bila ada pihak, waktu itu Anwar menggunakan media luar negara.

"Saya agak keliru sikit sebagai menteri yang pernah berkhidmat di zaman beliau kerana apa yang beliau sarankan dahulu tidak dipraktikkannya sekarang," katanya kepada pemberita di Kuala Lumpur hari ini. – 19 Jun, 2015.

Copyright © 2015 Edge Insider Sdn Bhd

Source:

<http://www.themalaysianinsider.com/bahasa/article/dulu-dr-m-benci-anwar-bercakap-kepada-media-asing-kata-annuar-musa#sthash.vf6W437W.dpbs>